

知今日被殺何因不死身全在樹便以手摩頂覺項微痛而無損傷即知由念觀音得全身當時十五日天時月朗其身無衣兼不得食經由數日極覺飢寒旦漸下樹循澗東行二里於其澗內拾得一領羊裘及得一量鞋襪得著免寒復行一里便得一魁桃棗青翠赤白似新摘來可有升餘得食免飢自非觀音神力豈得仲冬得新桃棗既免飢寒得充氣力漸上南坡到南岸上反顧北看遙見賊營數里人畜聲閑猶未眠卧賢者雖到南岸恐賊來趨望家急行可行五十里知賊漸遠身心寧泰在一樹下歇息跏趺誦念身勞

二十

惡相資所以難感賢者平安到家并將殘桃棗呈示道俗知實不虛道師說之余幼自見

法苑珠林卷第六十五

壁五

鑣所拜反又醯呵改反頽勒貞反謗才笑反
瑾山札反渠蓬反紓神与反又校武粉反固俱永反
炬古鼎反柂徐呂反施智反翻下革反姐音阻鶴夜之
反郝呼各反箋資賢反瑱他見反褶音習
僑其腰反搏祖本反幽彼貧反

法苑珠林卷第六十六

壁六

唐上都西明寺沙門釋道世撰

怨苦篇第七十七此有五部述意部
傷悼部 五陰部 八苦部 雜難部
述意部第一 夫三界輪轉六道侵移神明
不朽識慮冥持乍死乍生時來時往弃捨身
尤多

命草籌難辯惟大地丘塊莫非我故陳滄海
川流皆同吾淚血以此而觀誰非親友人鬼
雖別生滅固同恩愛之情時復影響群邪愚
闇不識親疎遂使喪彼身形養已軀命更互
屠割共爲怨俯歷劫相離苦報難盡靜思此
事豈不痛心也

傷悼部第二

如中阿含經云尔時世尊告諸比丘衆生無
始生死長夜輪轉不知苦之本際諸比丘於
意云何若此大地一切草木以四指量斬以
爲籌以數汝等長夜輪轉生死所依父母籌
數已盡其諸父母數猶不盡諸比丘如是無
始生死長夜輪轉故不知苦之本際佛告諸

比丘汝等輪轉生死飲其母乳多於恒河及
四大海水所以者何汝等長夜或生象中飲
母乳無量數或生駢馬牛驥諸禽獸類飲其
母乳數無量汝等長夜弃於塚間膿血流出
亦復如是或墮地獄畜生餓鬼髓血流出亦
復如是佛告諸比丘汝等長夜輪轉生死所
出身血甚多無數過恒河水及四大海汝於
長夜曾生爲中或截耳鼻頭尾四足其血無
量或受馬駢驥牛禽獸類等斷截耳鼻頭足
四體其血無量或身命終棄於塚間膿血流
出其數亦復如是或長夜輪轉生死喪失父
母兄弟姊妹宗親知識或喪失錢財爲之流
淚甚多無量過四大海水佛告諸比丘汝等
見諸衆生安隱諸樂當作是念我等長夜輪
轉生死亦曾受斯樂其趣無量或見諸衆生
受苦惱當作是念我昔長夜輪轉生死以來
亦曾受如是之苦其數無量或見諸衆生而
生恐怖衣毛爲豎當作是念我等過去

^生必曾殺生爲傷害者爲惡知識於無始生死
長夜輪轉不知其苦之本際或見諸衆生愛
念歡喜者當作是念如過去世時必爲我等
父母兄弟妻子親屬師友知識如是長夜生
死輪轉無明所蓋受繫其頸故長夜輪轉不
知苦之本際是故諸比丘當如是學精勤方

便御除諸大莫令增長尔時世尊即說偈言
一人一劫中 積聚其身骨 常積不腐壞
如毗富羅山 若諸聖弟子 正智見真諦
此苦及苦因 離苦得寂滅 修習八道跡
正向般涅槃 極至於七有 天人來往生
盡一切諸結 究竟於苦邊

佛告諸比丘衆生無始生死長夜轉之不知
苦之本際無有一處不生不死者如是長夜無
始生死不知苦之本際亦無有一處無父母
兄弟妻子眷屬宗親師長者辭如大雨滴泡
一生一滅是衆生無明所蓋受繫其頸長夜
輪轉不知苦之本際辭如普天大雨洪注東
西南北無斷絕變如是四方無量國土劫成
劫壞如天普兩天下無斷絕處長夜輪轉不
知苦之本際辭如擲杖空中或頭落地或尾
落地或中落地如是無始生死長夜輪轉或
墮地獄或墮畜生或墮餓鬼 又增一阿
含經云尔時三十三天有一天子身形有五

死瑞一華冠自萎二衣裳垢坌子腋下流汗
四不樂本位五玉女違伴時彼天子愁憂苦
惱搥胷歎息時釋提桓因聞此天子愁憂聲
便勑一天子此何等聲乃徹此間彼天子具
報所由尔時釋提桓因自往其所語彼天子
言汝今何故愁憂苦惱乃至於斯天子報言
卷第六十六

三

三

三

尊者那得不愁命將欲終有五惄襄今此七
寶宮殿悉當忘失及五百玉女亦當星散所
食甘露今無氣味是時釋提桓因語彼天子
言汝豈不聞如來說偈乎 一切行無當
生者必有死 不生則不死 此滅竅爲樂
汝今何故愁憂乃至於斯一切諸行無常之
物雖使有常者此事不然天子報言云何天
帝那得不愁我今天身清淨無染光踰日月
燐所不照捨此身已當生羅閱城中猪腹中
生恒食屎尿死時爲刀所割是時帝釋語言
汝今可自歸佛法衆便不墮三惡趣故如來
亦說此偈 諸有自歸佛 不墮三惡趣

盡漏處天人 便當至涅槃

余時彼天問帝釋言今如來竟爲所在帝釋報曰今如來在摩竭提國羅閱城中迦蘭陀竹園所天子報言我今無力至彼帝釋報言汝當右膝著地長跪叉手向下方界而作是言唯願世尊善觀察之今在垂窮之地願矜愍之今自歸三尊如來無所著時彼天子隨

帝釋即便長跪向下方界自稱姓名自歸佛法衆盡其形壽爲真佛子非用天子如是至三說此語已不復處豬胎乃生長者家是時天子隨壽長短生羅閱城中大長者家是時長者婦自知有娠十月欲滿生一男兒端正無雙世之希有至十歲父母將至佛所 佛爲說法即於座上諸塵垢盡得法眼淨無復瑕穢後離俗出家得阿羅漢果又正法念經云余時夜摩天王爲諸天衆以要言之於天人中有十六苦何等十六天人之中善通所攝一者中陰苦二者住胎苦三者出胎苦四者怖食苦五

者怨憎會苦六者愛別離苦七者寒熱等苦八者病苦九者他給使苦十者遣求營作苦十一者近惡知識苦十二者妻子親里襄惱苦十三者飢渴苦十四者爲他輕毀苦十五者老苦十六者死苦如是十六人中大苦於人世間乃至命終及餘衆若於生死中不可堪忍於有爲中無有少樂

禁朱林卷六

四

文先

一切無常一切敗壞余時夜摩天王以偈頌曰於人世界中 有陰皆是苦 有生必歸死有死必有生 若住於中陰 自業受苦惱長夜遠行苦 此苦不可說 設於屎尿中熱氣之所燒 如是住胎住 不可得具說常貪於食味 其心常希望 於味變大苦此苦不可說 小心常希望 於欲不知足所受諸苦惱 此苦不可說 惡憎不可會猶如大火毒 所生諸苦惱 比苦不可說於恩愛別離 衆生趣大苦 大惡難堪忍此苦不可說 寒熱大苦畏 生無量種苦生無量苦已 此苦不可說 痘苦害人命

病爲死王使衆生受斯苦此苦不可說爲他所策使常無有自在此苦不可說次第乃至死衆苦常不斷妻子得喪惱此苦不可說能壞於身心親里及知識人爲老所墜此苦不可說是死爲大苦

朱六六五

又九橫經云佛告比丘有九橫九因緣命未盡時便橫死一爲不應飯爲餃二爲不量飯三爲不習飯四不出生五爲止熟六爲不持戒七爲近惡知識八爲入里不時不知法行九爲可避不避如是爲九因緣人命爲橫所盡一不應飯者名不可意飯亦爲飽腹不調二

飢渴自燒身猶如猛燄火此苦不可說常爲輕賤他人爲老所墜身羸心意劣人爲死所執從此至他世不可得宣說

愛毒燒衆生追求大受苦當受惡道苦見則生大苦出過於地獄

此苦不可說此苦不可說常爲輕賤他人爲老所墜身羸心意劣人爲死所執從此至他世不可得宣說

此苦不可說此苦不可說常爲輕賤他人爲老所墜身羸心意劣人爲死所執從此至他世不可得宣說

不量飯者名不知節度多飯過足三不習飯者名爲不知時冬夏爲至他國不知俗宜飯食未習四不出生飯者爲飯物未消復上飯不服藥吐下由未時消五爲止熟者火小便來時不即時行噫吐嘔下風來時制六不持戒者名爲犯五戒殺盜婬兩舌飲酒使入縣官捶杖研刺或從恐手死或驚怖念罪憂死七爲近惡知識者坐不離惡知識故不覺善惡八爲入里不時者名爲冥行亦里有諍縣官長吏追捕不避不如法行妄入他家舍九爲可避不避者爲弊惡象馬牛車蛇蚯井水火刀杖醉惡人等干擾是爲九橫人命未盡當坐是盡

又五陰辭喻經佛說偈云沫聚喻於色應如水中池想辭熟時焰行爲若芭蕉器幻喻如識諸佛說若此當爲觀是要熟省而思惟空虛之爲審不覩其有常欲見陰可介真智說皆然三事斷絕時知身無所直命氣溫暖氣

捨身而轉逝 當其死臥地 猶草無所知

觀其狀如是

但幻而愚貪 止止爲無安
亦無有牢強

知五陰如此

比丘宜精進

是以當晝夜

自覺念正智

受行寂滅道

行除取安樂

五陰部第三

若令一蛇生瞋恚者我當准法戮之都市介

其聞至切令心生惶怖捨篋逃走王時復遣

五旃陀羅拔刀隨後其人迴顧見後五人遂

自捨去是時五人以惡方便藏所持刀密遣

一人詐爲親善而語之言汝可還來其人不

信投一聚落欲自隱匿既入聚中闕看諸舍

都不見人執持凶器悉空無物既不見人求

六

宋林李六

物不得即便坐地聞空中聲咄哉男子此聚

空曠無有居民今夜當有六大賊來汝設遇

者命終今汝當云何而得免之爾時其人恐

怖遂增復捨而去路值一河其水漂急無有

船筏以恐畏故即取種種草木爲筏復更思

惟我設住此當爲毒蛇五旃陀羅一詐親者

及六大賊之所危害若度此河筏不可依當
沒水死寧沒水死終不爲彼她賊所害即推
草筏置之水中身倚其上手把腳踏截流而
去即達彼岸安隱無患心意泰然怖懼消除
四毒她者即是四大五旃陀羅者即是五陰
一詐親者即是貪愛投一聚落者即是內六
入六大賊來者即是外塵是六大賊雖有諸
王不能遮止者唯佛菩薩乃能遮止是六大
賊雖有諸王截其手足猶故不能令其心息
六塵惡賊亦復如是雖得四沙門果截其手
足亦不能盡令不劫善法如勇健人乃能摧伏
是六大賊諸佛菩薩亦復如是乃能摧滅六

塵惡賊 八苦部第四

如五王經云佛爲五王說法人生在世常有
無量衆苦切身今粗爲汝等略說八苦何謂
八苦一生苦二老苦三病苦四死苦五恩愛
別離苦六所求不得苦七怨憎會苦八憂悲
苦若是爲八苦也 何謂生苦人死之時不知

朱林李六

精神趣向何道未得生處普受中陰之形至其三七日中父母和合便來受胎一七日如薄酪二七日如稠酪三七日如凝酥四七日如肉團五七日五炮成就巧風入腹吹其身體六情開張在母腹中生藏之下熟藏之上母取一杯熟食其身體如入鑊湯母飲一杯冷木亦如寒冷切身母飽之時迫迮身體痛不可言母飢之時腹中了々亦如倒懸受苦無量至其滿月欲生之時頭向產門剝如兩石峽山欲生之時母危父怖生墮草上身體細軟草觸其身如履刀劍忽然失聲大叫此是苦不諸人咸言此是大苦。何謂老苦謂父母養育至年長大自用強健擔輕負重不自裁量寒熱失度年老頭白齒落目視瞞瞞耳聽不聰盛去裏至皮緩面皺百節疼痛行步苦極坐起吟呻憂悲心惱神識轉減便旋即忘命日促盡言之流涕坐起須人此是苦不答曰大苦。何謂病苦人有四大和合而

成一大不調百一病生四大不調四百四病同時俱作地大不調舉身沉重水大不調舉身肢腫火大不調舉身蒸熱風大不調舉身掘強百節苦痛猶被杖楚四大進退手足不任氣力盡竭坐起須人口燥脣焦筋斷鼻折目不見色耳不聞音不淨流出身卧其上心懷苦惱言趣悲哀六親在側晝夜看視初不休息餚食美入口皆苦此是苦不答言實是大苦。何謂死苦人死之時四百四病同時俱作四大欲散魂神不安欲死之時刀風解形無處不痛白汗流出兩手摸空室家內外在其左右憂悲涕泣痛徹骨髓不能自勝死者去之風遊氣絕火滅身冷風先火次魂靈去矣身體挺直無所復知旬日之間肉壞血流膿脹爛臭甚不可近弃之曠野衆鳥瞰食肉盡骨乾髑髏異處此是苦不答言實是大苦。何謂恩愛別離苦謂室家内外兄弟妻子共相戀慕一朝破亡爲人抄劫各自分

朱林六六

張父東子西母南女北非唯一變爲人奴婢各自悲呼心肉斷絕竊窺冥冥無有相見之期此是苦不荅曰實是大苦。何謂所求不得苦家內錢財散用追求大官吏民望得富貴勤苦求之不止會遇得之而作邊境令長未經幾時貪取民物爲人告言一朝有事檻車載去欲殺之時憂苦無量不知死活何日此是苦不荅言實是大苦。何謂怨憎會苦世人薄俗共居愛欲之中爭不急之事更相殺害遂成大怨各互相避隱藏無地各磨刀錯箭挾弓持杖恐畏相見會遇狹道相逢張弓豎箭兩刃相向不知勝負是誰當尔之時怖畏無量此是苦不荅言實是大苦。何謂憂恚苦惱苦謂人生在世長命者乃至百歲夭命者胞胎傷墮長命之者與其百歲夜消其半餘年五十在其酒醉疾病不知作人減少五歲小時愚癡至年十五未知禮義年過八土老鈍無智耳韻目真無有法則復減二

十年已九十年過餘有十歲之中多諸憂愁天下欲亂時亦愁天下旱時亦愁天下大水亦愁天下霜亦愁天下不熟亦愁室家內外多諸病痛亦愁持家財物治生恐失亦愁官家百調未輸亦愁家人遭官閼繫牢獄未知出期亦愁兄弟遠行未歸亦愁居家窮寒無有衣食亦愁比舍村落有事亦愁杜櫻不辦亦愁室家死亡無有財物殯葬亦愁至春種作無有牛犁亦愁如是種種憂悲無有樂時至其節日共相集聚應當歡樂方共悲啼相向此是苦不荅言實是大苦又金色王經云有一天女向金色王而說偈言

何法名爲苦 所爲貧窮是 何苦最爲重所謂貧窮苦 死苦與貧苦 二苦等無異寧當受死苦 不用貧窮生
又佛地論云三怖畏者一不活畏二惡名畏三死畏四趣畏五怯畏如是五畏證得清淨樂意地時皆已遠離又波斯匿王太后崩經

世尊爲王說偈云

一切人歸死 無有不死者 隨行種殃福
目獲善惡果 地獄爲惡行 善者必生天
明慧能分別 唯福能遏惡

如是大王有四恐畏無能避者老爲大恐畏
肌肉消盡病爲大恐畏無強健志死爲大恐

畏盡無有壽恩愛別離爲大恐畏無得求住
此之四大恐畏一切刀杖呪術藥草鳥馬人
民珍寶城郭無所救贖者譬如太雲起雷霹
靂斯須還散人命極短壽極百歲其中出者
少唯修無常想除去恩愛可得慶苦

雜難部第五 如婦人遇旱經云佛在世時

有一人無婦往詣舍衛國娶婦本國自有兩
子大子七歲次子孩抱母復懷軀欲向家產
天竺俗禮婦人產曰歸父母國時夫婦乘車
載二子當詣舍衛中路食息井牧牛時有毒
蛇纏繞牛脚牛遂離羆其夫取牛欲得嚴發
見牛爲毒蛇所殺蛇復捨牛復纏夫殺婦遙

見之怖懼戰慄啼哭呼天無救護者日遂欲
瞋去道不遠有流河水水碓有家居婦怕日
嗔懼爲賊劫棄車將二子到水畔留大子著
水邊抱小子度水適到水半狼食其子子叫
呼母時還顧見子爲狼所噉驚惶怖懼失抱
朱卷六六 中子墮水隨流母益懊惱迷或失志頓躓水
中墮所懷子遂便度水問道行人我家父母
爲安隱不行人答曰昨家失火皆燒父母悉
盡無餘又問行人我夫家姑嬸爲安隱不行
人答曰昨有劇賊傷害其家姑嬸皆死無完
在者其母聞之愁憂怖懼心迷惑不識東
西脫衣裸形迷惑走道中行人見大恠之
謂邪病鬼神所嬈佛在舍衛孤獨精舍時婦
馳走而往趣之余時世尊爲大會說法諸佛
之法盲者見佛皆眼明聾者得聽瘡者得言
疾病除愈尪劣強健被毒不行心亂得定時
婦見佛意即得定不復愁憂自視裸形慙愧
伏地佛呼阿難取衣與着竟稽首佛足却坐

一面佛即爲說經爲現罪福人命無常合會有別種種法要心開意解即發無上正真道意得不退轉也。又對法論云正生何因苦衆苦所逼故餘苦所依故出胎時復受肢體逼切大苦餘苦所依者謂有生老病死等衆苦隨逐老何因苦時分變壞苦故病何因苦

大種變異苦故死何因苦壽命變壞苦故怨憎會何因苦合會生苦故愛別離何因苦別離生苦故求不得何因苦所求不果苦故攝一切五取蘊何因苦最重苦故。又雜辭喻經云昔有世人入海採寶逢有七難一者四面大風同時起吹船令顛倒二者船中欲壞而漏三

未終六十六十一

者人欲墮水死乃得上岸四者二龍上岸欲噉之五者得平地三毒蛇逐欲噉之六者地有熱沙走行其上燒爛人脚七者仰視不見日月常冥不知東西甚難也。佛告諸弟子若遭苦難亦有七事一者四面大風起者謂生老病死二者六情所愛無限辟船滿溢三者

墮水欲死謂爲癡所得四者二龍上岸噉者謂日月食命五者平地三毒蛇者爲人身中三毒六者熱沙剝爛其脚者謂地獄中火七者仰視不見日月者謂受罪之處窈冥冥真無有出期佛語諸弟子當識是言莫與此會勤行六事可得解脫

又涅槃經云若外道自餓苦行道者一切畜生長應得道是故外道受自餓法投淵赴火自墜高巖常翹一脚五熱灸身常卧灰土棘刺編椽樹葉惡草牛糞之上簷服麻衣糞掃毬毬婆羅衣茹菜啖果藕根油滓牛糞根莖若行乞食限至一家主若言無即便捨去設復還喚終不迴顧不食鹽肉五種牛味常飲噉泥糠沸汁乃云是等能爲無上解脫因者無有是處不見菩薩摩訶薩人行如是法得解脫者是故先須調心不偏苦身即得道果又修行道地經云詳如小兒捕得一雀執持令惱以長繩繫放之飛去自以爲脫不復遭厄誦

樹池飲自恣安隱縷盡牽還投弄惱苦如本無異修行如是自惟念言雖至梵天當還欲

界苦惱如故是頌曰

辭如有雀繩繫足

適飛縷盡牽復還

修行如是止梵天

續行欲界不離苦

延聖丘 惟拱書

法苑珠林卷第六十六

壁六

釋音

坋 古 點 素 去 彩 𠂇 丁 了 姑 聰 容 寓 恩 俞

大宋國平江府崇山縣朱塘鄉第四保夏里中村居住崇奉

佛女弟子徐氏六三娘 情旨伏自行年六十二歲本命壬子正

月十五日建生由特神保安身位平善之次謹發誠心捐施

呈

朱林六十六

十二

淨財入 磚沙延聖院大藏經坊命工刊造法苑珠林第六十卷

連意書字共伍阡伍伯壹拾陸字每字工錢伍拾文舊會總計錢

貳伯柒拾伍貫捌伯文舊會所集 功德保佑六三娘身位常

安增延福壽門闈清吉寶眷康寧 丸在時中吉祥如意者

寶祐元年七月 日奉佛女弟子徐氏六三娘 謹題

都勸緣大檀越成忠郎趙安國

法苑珠林卷第六十七

李唐源齋著述

壁七

蟲害部第六

如禪秘要云復次舍利弗若行者入禪定時欲覺起貪婬風動四百四脉從眼至身根一時動搖諸情閑塞動於心風使心顛狂因是

發狂鬼魅所著晝夜思欲如救頭然當疾治之治之法者教此行者觀子藏子藏者在生

藏之下熟藏之上九十九重膜如死豬胞四百四脉從於子藏猶如樹脂布散諸根如盛矣

囊一千九百節以芭蕉葉八萬戶蟲圍達周

而四百四脉及以子藏猶如馬腸直至產門

如臂鉗形圓大小上圓下尖狀如貝齒九

十九重一一重間有四百四蟲一一蟲有十

二頭十二口人飲水時水精入脉布散諸蟲

入毗羅虫頂直至產門半月出不淨水

諸蟲各吐猶如敗膿入九十蟲口中從十二

虫六竅中出如敗絳汁復有諸虫細於秋毫